

ԱՔՈՎՅԱՆԻ ՇՐՋԱՆԻ ՈՐՈՇ ԽՈՍՎԱԾՔՆԵՐԻ ՀՈՂՈՎՆԵՐԸ ԵՎ ՀՈՂՈՎՄԱՆ ՀԱՄԱԿԱՐԳԸ

ՌԱԶՄԻԿ ՄԱՐԿՈՍՅԱՆ

Արարատյան բարբառը ըստ ձևաբանական դասակարգման պատկանում է ում ճյուղին: Մինչև այժմ անվերապահ ընդունված է այն տեսակետը, որ այդ բարբառն ունի յոթ հոլով: Բարբառի խոսվածքների մեծագույն մասում, իրոք, այդպես է, սակայն Աբովյանի շրջանի խոսվածքների հոլովման համակարգում կան տարբերություններ: Յոթ հոլով ունեն միայն Քանաքեռի, Առինջի, Ջրվեժի և Նորքի խոսվածքները, իսկ Ակունքի, Կոտայքի, Զառի, Գեղաշենի, Գառնո, էլարի (Աբովյան), Կաթնաղբյուրի միջճյուղային խոսվածքները, ինչպես նաև Սուլթանաբաղի խոսվածքը՝ չունեն ներգոյական հոլով: Վերջինիս իմաստն արտահայտվում է ներգոյական-հայցականով:

Ուղղական ճառվն իր կազմությամբ և շարահյուսական գործառույթներով նման է արդի գրական հայերենին:

Սեռական և տրական ճառվները բացարձակապես տարբերվում են միմյանցից: Ի տարբերություն շատ բարբառների, ուսումնասիրվող խոսվածքներում սեռականը, առանց բացառության, հոդ չի ստանում: Նրկու հոլովն էլ նախադասության մեջ ունեն նույն կիրառությունը, ինչպես ժամանակակից հայերենում:

Հայցական ճառվն ունի կազմության հաստատուն ձև: Իրի առում ունեցող գոյականների հայցականը՝ թե՛ անորոշ, թե՛ որոշյալ, նման է ուղղականին: Անձ ցույց տվող հատուկ և հասարակ գոյականների հայցականը՝ անորոշ թե՛ որոշյալ, տրականաձև է: Իսկ եթե անձը կիրառվում է իրի առումով, հայցականը միշտ նման է ուղղականին: Դրանք էլ հենց հայցականի ձևավորման յուրահատկություններն են: Օրինակ՝ ջ՛ուրը||ճուրը էկէլ ա, ջ՛աղաւը||ճաղացը տարէ: Բ՛ըծըլէ՛ին կանչէ՛ք՝ քօքա (քոզ գնա) խիվընդին² (նիվանդին) տէնա, բայց՝ ճիվանդի վըրէն Բ՛ըծիշկ կանչէ՛ք:

Գրաբարյան հոգնակի հայցականի բազմաթիվ ձևեր Ակունքի, Գառնո, Գեղաշենի, Կոտայքի, Զառի, էլարի, Կաթնաղբյուրի խոսվածքներում օգտագործվում են որպես ուղիղ ձևեր, ինչպես՝ բանալիք>բ՛ալնիս||պալնիս³ (դրա-

¹ Սուլթանաբաղը գտնվում է Իրանի խորքերում, ուր ապրում են այն հայերը, որոնց նախնիներին Շահ-Աբասը 1604 թ. բռնադադթեցրեց Իրան: Նրանց մի մասը 1946-ին վերադարձավ Հայաստան և բնակություն հաստատեց Արարատի, էջմիածնի, Հոկտեմբերյանի շրջաններում: Մոտ 400 տարի անցնելուց հետո էլ նրանք անաղարտ են պահել իրենց մայրենի բարբառը:

² Գրաբարյան և հնչյունը Ակունքի, Գառնո, Կոտայքի, Կաթնաղբյուրի, Գեղաշենի խոսվածքներում, բառի բոլոր դիրքերում, որոշ բացառություններով դարձել է խ, իսկ մյուսներում մնացել է անփոփոխ:

³ Ակունքի, Գառնո, Կոտայքի, Զառի, Գեղաշենի, էլարի խոսվածքները գրաբարյան բ, գ, դ ձայնեղ պայթականները և ձ, ջ ձայնեղ պայթաշփականները բառասկզբում, որպես Արարատյան բարբառի ընդհանուր հատկանիշ, վերածել են շնչեղ ձայնեղների՝ բ՛, գ՛, դ՛, ձ՛, ջ՛. բե-

փոխությամբ), ծախք>ծախս, կողպեք>կողբէս (դրափոխությամբ), հարսանիք>խառնիս||հարսնիս||հարսնիք, մորուք>մուրուս, շորք>շոռս, պահք>պախս||պաս, փոխք>փոխս, տանիք>տանիս, թաղիք>թաղիս (միայն Զառում), նմանակությամբ՝ երդիկ>հէռթիս (Զառում՝ չէրթիս):

Բացառական հնչյուն կազմվում է ից վերջավորությամբ, որը դրվում է ուղղականի, երբեմն՝ սեռականի հիմքին: Կաթնաղբյուրի միջնուղային խոսվածքում այդ հոլովը կազմվում է երկու ձևով՝ ում ճյուղի Արարատյան բարբառի և լ ճյուղի հոյի բարբառի նման, այսինքն՝ և՛ ից, և՛ էն վերջավորություններով, ինչպես՝ սարից-սարէն, տաշտից-տաշտէն, տընից-տընէն: Ակունքի, Գառնո, Կոտայքի, էլարի, Զառի, Գեղաշենի, Կաթնաղբյուրի խոսվածքներում բացառականը կարող է գործածվել և՛ հոգով, և՛ առանց հոգի, իսկ Քանաքեռի, Առինջի, Զրվեծի, Նորքի խոսվածքներում՝ միայն հոգով, ինչպես՝ յեգամըդիցը, էրէրունուցը, սարիցը, վարթիցը:

Գործիական հոլովը բացառապես ստանում է օվ վերջավորությունը, որն ավելանում է ուղղականի, որոշ դեպքերում նաև՝ սեռականի հիմքերին: Այս հոլովում հոդառությունը կատարվում է նույն սկզբունքով, ինչպես բացառականին:

Ներգոյական հնչյուն կազմվում է հետևյալ կերպ. Քանաքեռի, Առինջի, Զրվեծի, Նորքի խոսվածքներում առարկա ցույց տվող գոյականները ստանում են ըմ, իսկ տեղանունները՝ ում վերջավորությունները, որոնք դրվում են ուղղականի հիմքին, ինչպես՝ սարըմը, տաշտըմը, թերթըմը, բայց՝ Նօրքումը, Հաշտարակումը, էրէվանումը և այլն: Ակունքի, Կոտայքի, Գառնո, Զառի, Գեղաշենի, էլարի, Կաթնաղբյուրի, ինչպես և Սուլթանարադի խոսվածքները ներգոյականի իմաստը արտահայտում են ներգոյական-հայցականով, ինչպես՝ Բաղդադ էլ շատ խուրմա կա: Դ՛ուաը||տուսը շատ ցուռդ ա: Մեր սաքը շատ խոտ կա և այլն: Անձ ցույց տվող, ինչպես նաև բազմաթիվ այլ գոյականների ու անորոշ դերբայի ներգոյականի իմաստը տրվում է սեռական հոլովով և մէշ կապով. օր.՝ մառթու մէշ, քամու մէշ, խօսալու մէշ և այլն:

Այսուհետև բերված օրինակներում նշվելու են միայն Քանաքեռի, Առինջի, Նորքի և Զրվեծի խոսվածքների ներգոյականի ձևերը, որոնք դարձյալ հոգ են ստանում:

Հնչյուն

Քննարկվող խոսվածքներում հոլովումը հիմնականում կանոնավոր է:

Ի հնչյունում ինչպես շատ բարբառներում ու գրական լեզվում, այնպես էլ Արարատյան բարբառում ընդհանրական է: Այն իրեն է ենթարկել գոյականների գերակշիռ մասը, որոշ բացառություններով՝ օտար փոխառյալ բառերը: Ի հոլովման են ենթարկվում մյուս բոլոր հոլովումներին պատկանող բառերի հոգնակիները, ան հոլովման՝ միավանկ բառերի մի մասը, ինչպես՝ դառ-գ՛առի, թօռ-թօռի, ծօռ-ծօռի, բ՛ռե||պեռ-բ՛եռի և այլն:

րան>ր՛էրան, գարուն>գ՛արուն, դուն>դ՛ուռ, ձիւն>ձ՛ուն, ջաղացք>ջ՛աղաչ, իսկ Կաթնաղբյուրի միջնուղային խոսվածքը և Քանաքեռի, Զրվեծի, Առինջի, Նորքի խոսվածքները գրաբարյան նույն հնչյունները բառասկզբում դարձրել են խուլեր՝ ալ, կ, ա, ծ, ե, ինչպես՝ բարակ>պարագ, գինի>կ՛ի նի, դաղձ>տախց, ձոր>ծօր, ջուր>ձուր:

Հոլովման թեքություններն են. սեռական՝ ի, տրական՝ ին, հայցական՝ ուղղականի կամ տրականի նման, բացառական՝ ից (ը) || էն, գործիական՝ օվ (ը), ներգոյական՝ ում || րմ: Հասարակ գոյականները հոլովվում են և՛ հոդով, և՛ առանց հոդի:

Եզակի

Հոգեակի

Ուղղ.	բ՛եռթ(ը) ⁴ պերթ(ը)	բ՛եռթէր(ը) պերթէր(ը)
Սեռ.	բ՛եռթի պերթի	բ՛եռթէրի պերթէրի
Տր.	բ՛եռթին պերթին	բ՛եռթէրին պերթէրին
Հայց.	բ՛եռթ(ը) պերթ(ը)	բ՛եռթէր(ը) պերթէր(ը)
Բաց.	բ՛եռթից(ը) պերթից պեռթէն ⁵	բ՛եռթէրից(ը) պերթէրից պերթէրէն
Գործ.	բեռթօվ(ը) պերթօվը	բ՛եռթէրօվ(ը) պերթէրօվը
Ներգ.	— պերթըմը	— պէրթէրըմը

Քննվող խոսվածքներում հոլովման ժամանակ հաճախ տեղի է ունենում ձայնավորների սղում կամ հնչյունափոխություն:

1. Երկվանկ և բազմավանկ բառերի վերջին փակ վանկի ա||մ ձայնավորը կա՛մ սղվում է, կա՛մ վերածվում ր-ի: Օրինակ՝ գէրան—գէրենի||էրենի⁶, ձավար—ծավրի||ծավրի, ախկատ—ախկրտի, աշխարհ—աշխրբի և այլն: Գրական և կրոնական փոխառյալ բառերը չեն ենթարկվում այդ կանոնին, ինչպես՝ հրեշտակ > հրիշտակ—հրիշտակի, դատաստան > դադաստան—տադատանի, պատարագ > պատարաք—պատարաքի:

2. Բառավերջի ա ձայնավորը առանց բացառության փոխարինվում է ի հոլովիչով: Օրինակ՝ էրէխա—էրէխի, գաթա—գաթի, տըղա—տըղի, սատանա—սատանի, ճամփա—ճամբի և այլն: Այդ օրենքին ենթարկվում են նաև օտար փոխառյալ բառերը, ինչպես՝ մէշա (անտառ)—մէշի, գյուլա—գյուլի, բախշա—բախշի: Այդ կարգի բոլոր բառերը հոգնակիում ստանում են ֆ մասնիկը, որից առաջ այ-ն օրինաչափորեն դարձել է է, որը բառի թեքման ժամանակ չի հնչյունափոխվել. էրէխէք—էրէխէքի, սատանէք—սատանէքի, տըղէք—տըղէքի, մէշէք—մէշէքի և այլն:

3. Անօց ածանցով կազմված բառերի մեջ ա-ն դարձյալ սղվում է. էրկուսանօց—էրկըսնօցի, տասանօց—տասնօցի և այլն:

4. Բառամիջի է ձայնավորը, եթե այն ստացվել է այլ հնչյուններից, մնում է անփոփոխ, ինչպես՝ այծ > էծ—էծի, տայգր > տէքըր—տէքրի, ծայր > ժէր—

⁴ Ակունքի, Կոտայքի, Գառնո, Գեղաշենի, Զառի, Էլարի, Կաթնաղբյուրի խոսվածքներում բառամիջի ր ձայնորդը շնչով խուլերից, պայթաշփականներից և առաջնալեզվային պայթականներից առաջ դարձել է ո, իսկ Փանաքեռի, Առինջի, Զրվեթի և Նորքի խոսվածքներում մնացել է անփոփոխ:

⁵ Այսուհետև բացառական հոլովի ից վերջավորության կողքին զուգահեռաբար կնշվի Կաթնաղբյուրի միջնուղային խոսվածքի բացառականի երկրորդ ձևը՝ էն վերջավորությամբ:

⁶ Բոլոր խոսվածքներում, որպես ընդհանուր օրինաչափություն, եռնալեզվային պայթականները է (ե), ի երբեմն նաև ա (ա) ձայնավորներից առաջ բառասկզբում և բառամիջում քմայնացել են՝ դառնալով գ՛, կ՛, ք՛:

ծէրի, ծագ>ծէք—ծէքի, վառեակ>վառէկ—վառէկի, մացառ>մօցեռ—մօցէրի: Բացառութիւն է միայն ցօրեն բառը՝ ցօրեան>ցօրէն—ցօրճի:

5. Գրաբարյան շեշտակիր ի ձայնավորը միավանկ և բազմավանկ բառերի մեջ հոլովման ժամանակ կամ սղվում է, կամ հնչյունափոխվում ը-ի: Օրինակ՝ գ'ինձ—գ'ընձի||կընձի, շապիկ—շապկի, երդիկ>հէռթիս—հէռթըսի, առիք>հառիք—հառքի և այլն, իսկ շեշտից առաջ մնում է անփոփոխ, ինչպես՝ աւերակ>ավիրակ—ավիրակի, սկեսուր>կիսուր—կիսուրի, ալևոր>խմիվոր||հալիվոր—խմիվորի, փետուր>փիղուռ—փիղրտի, շերեփ>շիրէփ—շիրէփի:

6. Միավանկ և բազմավանկ բառերի միջին ո||օ ձայնավորը հոլովման ժամանակ սովորաբար չի հնչյունափոխվում կամ սղվում: Բացառութիւն են միայն ծարոխ>չարօխ—չարխի և գ'ըլօխ—||կըլօխ—գ'ըլխի, կըլխի:

Գրաբարյան շեշտակիր ու ձայնավորը բառամիջում, առանց բացառութեան, վերածվում է ը-ի. խուրձն>խուռն—խըռցի, բուրդ>բ'ուռթ||պուռթ—բ'ըռթի, կարկուտ—կարկըտի, կամուրջ>կարմունջ—կարմընջի: Այլ հնչյուններից առաջացած ու-ն բառամիջում, զգալի բացառութիւններով, սղվում է կամ հնչյունափոխվում ը-ի: Օրինակներ՝ ալիւր>ալուր—ալրի, արիւն>արուն—արնի, աղբիւր>ախպուր||հախպուր—հախպըրի, հարիւր>հարուր—հարըրի, բայց՝ երկիւղ>յերգուղ—յերգուղի: Բացառութիւնները շատ են ոչ>ու հնչյունափոխութեան դեպքում. ճկոյթ>ճըկութ—ճըկութի, նմոյշ>նըմուշ—նըմուշի, պատրոյս>պադրուս—պադրուսի, պատրոյգ>պադրուք—պադրուքի, բայց՝ բոյն>բ'ուն||պուն—բ'ընի, բոյթ>բ'ութ—բ'ըթի և այլն:

Բոլոր խոսվածքներում բառավերջի ու ձայնավորը ի հոլովիչից առաջ եզակի թվում դարձել է վ. օրինակ՝ ուղղ. առու, լէզու, կադու, մէղու, սեռ. առվի, լէզվի, կադվի, մէղվի:

Վերը բերված գոյականների հոգնակի ուղղականը կազմելիս Քանաքեռի, Առինջի, Ջրվեժի, Նորքի խոսվածքներում բառավերջի ու-ն մնում է անփոփոխ, ինչպես՝ առունէր, կադունէր, իսկ մյուս խոսվածքներում ու-ն ըստ օրենքի վերածվում է վ-ի. հառվընէր, կադվընէր, լէզվընէր և այլն:

Ու հառվումն իր կենսունակութեամբ երկրորդն է: Այս հոլովման ենթարկվում են ի-ով վերջացող գոյականները, անորոշ դերբայը, աէր⁷, աստը-ված⁸, մառք բառերը: Հոլովներն ստանում են հետևյալ վերջավորութիւնները. սեռ.՝ ու, տր.՝ ուն, հայց. նման է ուղղականին կամ տրականին, բաց.՝ ուցը||էն, գործ.՝ օվ(ը), ներգ.՝ ում||ըմ: Հոլովման ժամանակ բառավերջի ի ձայնավորը սղվում է:

⁷ Տէր բառը Ակունքի, Կաթնաղբիւրի, էլարի, Գեղաշենի, ինչպես և Աշտարակի խոսվածքներում ենթարկվել է նաև օջ հոլովման՝ և հաճվածականով. ինչպես՝ տէր-տիրօնջ: Տէր բառը նույն ձևով՝ է՝ ու, է՝ օնջ հոլովիչներով է հոլովվում նաև բարդութիւնների մեջ, ինչպես՝ ապարանքատէր-ապրանքատիրու-օնջ, տընատէր-տընատիրու-օնջ, էրեսատէր-էրէխտտիրու-օնջ և այլն:

⁸ Աստված բառը Գառնո խոսվածքում փոխադրեցական հնչյունափոխութեամբ դարձել է ասսված, իսկ հետո ընկել է մի ս-ն և դարձել է ասված:

Ահա հոլովման պատկերը.

Ուղղ.	գլխի կրի	մառթ ¹⁰	էրէքունի
Սեռ.	գլխու կրիու	մառթու	էրէքունու
Տր.	գլխուն կրիուն	մառթուն	էրէքունուն
Հայց.	գլխի կրի	մառթուն	էրէքունի
Բաց.	գլխուց կրիուց ⁹	մառթուցը մառթէն	էրէքունուցը
Գործ.	գլխով կրիով	մառթով(ը)	էրէքունովը
Ներգ.	—	—	էրէքունումը

Ան հոլովման պատկանող բառերի թիվը սահմանափակ է: Դրանք են՝ աշուն, դուռ, գարուն, մանուկ, մուկ, յեզ, ճի, ճուկ: Բառերը սեռականում ստանում են ան, տրականում ան(ը), հայցականում՝ ուղղականի ձևը, բացառականում՝ ից(ը)||էն, գործիականում՝ օվ(ը) վերջավորութիւնները: Ներգոյականի ձևը բացակայում է բոլոր խոսվածքներում: Այդ հոլովման ենթարկվող գոյականների եզակի բացառականը և գործիականը կազմվում են ուղղականից, գարուն բառինը՝ սեռականից, իսկ մուկ բառինը՝ և՛ ուղղականից, և՛ սեռականից: Այդ գոյականների հոգնակիները, առանց բացառութիւն, կազմվում են ուղղականից՝ գարուններ, դըռներ, աշուններ, յեզներ, ճըկներ, մըկներ:

Ահա հոլովման պատկերը¹¹.

Ուղղ.	դուռը(ը)	աշուն(ը) ¹²	յեզ(ը)
Սեռ.	դըռան	աշնան	յեզան
Տր.	դըռանը	աշնանը	յեզանը
Հայց.	դուռ(ը)	աշուն(ը)	յեզ(ը)
Բաց.	դըռնիցը տըռնէն	աշունից(ը) ¹³	յեզից(ը) էն
Գործ.	դըռնով	աշունով	յեզով(ը)
	ճուկ(ը)	մուկ(ը)	
	ճըկան	մըկան	
	ճըկանը	մըկանը	
	ճուկ(ը)	մուկ(ը)	
	ճըկից(ը) ծըկնէն	մըկիցը մըկնէն	
	ճըկով(ը)	մըկով(ը)	

Վերջին երեք բառերը հոլովվում են նաև ի հոլովմամբ. յեզ—յեզի, ձուկ—ձուկի, մուկ—մըկի:

Ակունքի, Գառնո, Կաթնաղբյուրի խոսվածքներում յեզ բառի նման է հոլովվում ձիւնը (ծիւնը) գոյականը, ինչպես՝ ճիւղան, ճիւղանը, ճիւղանից(ը) և այլն:

⁹ Կաթնաղբյուրի խոսվածքը կլիենուց ձևից բացի ունի նաև կլիենիէն ձևը:

¹⁰ Մառթ բառի հոգնակիի կազմութիւնը, հակառակ գրական լեզվի, ստանում է էր մասնիկը՝ մառթէր: Այս բառի համար անսովոր չէ նաև ի հոլովումը:

¹¹ Առինչի, Քանաքեռի, Զրկեծի, Նորքի, Կաթնաղբյուրի խոսվածքներում գարուն, դուռ, ձուկ բառերի ձայնեղները, օրենքի համաձայն, դառնում են խուլեր՝ կարուն, տուռ, ծուկ:

¹² Այս բառը աշունք ձևով Ակունքի, Գառնո, Գեղաշենի, Կոռալքի խոսվածքներում ենթարկվում է նաև և՛ ի, և՛ վա հոլովմաններին՝ աշունքի, աշունքվա:

¹³ Կաթնաղբյուրի խոսվածքը այս բառի բացառականը կազմում է սեռականից՝ աշնանէն:

Մանուկ բառը խոսվածքներում գործածվում է հարադրութունների մեջ և ունի միայն ուղղական, սեռական և հայցական հոլովաձևերը, ինչպես՝ ուղղ. մէր ու մանուկ, սեռ. մօր ու մանկան, հայց. մէր ու մանուկ կամ մօր ու մանկան: Մէր ու մանուկ ուրախ էն. մօր ու մանկան լացը մառթու սիռդ ա կըդըռտրմ. մէր ու մանուկ ուրացէր էն:

Աղեղն բառը, որ քննարկվող խոսվածքներում դրափոխությամբ և ն-ի անկումով դարձել է անէղ, գործածական է միայն ուղղական և սեռական հոլովներում՝ անէղ—անէղան: Նէտ ու անէղը կըպնի գոշիտ (անհծք). անէղան լարի նըման ճ՛ըքված ա:

Վա ճռլովման պատկանում է ժամանակ ցույց տվող բառերի զգալի մասը: Սեռականը ստանում է վա, տրականը՝ վա||վան, բացառականը՝ ից(ը) ||էն: Ժամանակացույց բառերից մի քանիսը շունեն գործիական և ներգոյական հոլովներ: Քանաքեռի, Առինշի, Զրվեթի, Նորքի խոսվածքներում այդ հոլովաձևերն ունեն միայն ամիս, օր, շաբաթ, տարի բառերը, ինչպես՝ ամսօվ, օրօվ, շափաթօվ, տաւրօվ. ամսըմ, օրըմ, շափաթըմ, տաւրըմ: Դրանցից ամիս և շաբաթ բառերը ենթարկվում են նաև ի հոլովման: Բացառական ու գործիական հոլովները կարող են կազմվել և՛ ուղղականից, և՛ սեռականից, իսկ ներգոյականը՝ միայն ուղղականից:

Ուղղ.	իրիգուն (հիրգուն)	էքուց հէքուց
Սեռ.	իրիգվա	էքուցվա
Տր.	իրիգվան	էքուցվան
Հայց.	իրիգուն	էքուց
Բաց.	իրիգվանից	էքուցվանիցը
Գործ.	—	էքուցվանօվը
Ներգ.	—	—

հէրու (խէրու)	ամիս
հէրվա	ամսըվա ամսի
հէրվան	ամսըվան ամսին
հէրու	ամիս
հէրվանիցը	ամսըվանիցը ամ-
հէրվանօվ	սիցը էն
—	ամսվանօվը ամսօվը
	ամսըմը

Յ հոլովման պատկանող բառերը, ինչպես շատ բարբառներում ու ժամանակակից արևելահայ գրական լեզվում, այնպես էլ Արարատյան բարբառում ունեն հավաքական իմաստ: Դրանք անգ, էնգ, օնգ ածանցներով բառերն են, որոնք բացառապես անձ են ցույց տալիս: Հոլովման ժամանակ բառերը սեռականում ստանում են ց վերջավորություն: Սեռական, տրական և հայցական հոլովները ձևով նման են իրար: Որպես անձնանիշ գոյականներ՝ դրանք նույնպես շունեն ներգոյական հոլով:

Հոլովման պատկերը.

Ուղղ.	հէրանք խէրանք	Սողոյէնք	խընամօնք
Սեռ.	հէրանց	Սողոյէնց	խընամօնց
Տր.	հէրանց	Սողոյէնց	խընամօնց
Հայց.	հէրանց	Սողոյէնց	խընամօնց
Բաց.	հէրանցիցը խէրան- ցէն	Սողոյէնցիցը էն	խընամօնցից(ը) էն
Գործ.	հէրանցօվ(ը)	Սողոյէնցօվ(ը)	խընամօնցօվ(ը)

Ներքին թեքման ա հոլովման ենթարկվում են ութուն ածանց ունեցող և տուն, շուն բառերը: Հոլովման առանձնահատկությունն այն է, որ ուղղական հոլովի վերջին վանկի ու ձայնավորը եզակի սեռականում փոխվում է ա-ի: Բացառականը և գործիականը կազմվում են ուղղականից, ինչպես՝ տուն-տընից||տընէն—տընօվ. ախպէրութուն—ախպէրութան—ախպէրութունից—ախպէրութունօվ: Ութուն ածանց ունեցող որոշ բառեր կարող են ենթարկվել նաև ի հոլովման. լավութուն—լավթունի. Բու լավթունի տակից դուս գըգամ:

Օ հոլովման պատկանող բառերը եզակի թվում կրում են ներքին փոփոխություն: Բառամիջի ձայնավորը սեռական հոլովում փոխվում է օ-ի: Տրական և հայցական հոլովներն ստանում են օրը, բացառականը՝ ից(ը) ||էն, գործիականը՝ օվ(ը) վերջավորությունները: Բացակայում է ներգոյականը: Այս հոլովման ենթարկվում են հետևյալ բառերը՝ քուր¹⁴, ախպէր, հէր||խէր, մէր, տէքըր, անէր¹⁵: Բոլոր բառերը հոգնակիում կանոնավոր կերպով ստանում են էր կամ նէր վերջավորությունները:

Եզակի

Ուղղ.	քուր	ախպէր	մէր
Սեռ.	քըվօր	ախպօր	մօր
Տր.	քըվօրը	ախպօրը	մօրը
Հայց.	քըվօրը	ախպօրը	մօրը
Բաց.	քըվօրիցը էն	ախպօրիցը էն	մօրիցը էն
Գործ.	քըվօրօվ(ը)	ախպօրօվ(ը)	մօրօվ(ը)

Հոգնակի

Ուղղ.	քուրէր	ախպէրնէր	մէրէր
Սեռ.	քուրէրի	ախպէրնէրի	մէրէրի
Տր.	քուրէրին	ախպէրնէրին	մէրէրին
Հայց.	քուրէրին	ախպէրնէրին	մէրէրին
Բաց.	քուրէրիցը էն	ախպէրնէրիցը էն	մէրէրիցը էր
Գործ.	քուրէրօվ(ը)	ախպէրնէրօվ(ը)	մէրէրօվ(ը)

¹⁴ Այս բառը ու>վ հնչյունափոխությամբ և օ հոլովի չհավելումով սեռականում դարձել է քըվօր:

¹⁵ Վերջին երկու բառերը ենթարկվում են նաև ի հոլովման՝ տէքրի, անէրի: Անէր բառի բացառականը և գործիականը կազմվում են ուղղականից:

Ախպէր, հէր, մէր բառերից կազմված բարդությունները (եթե դրանք վերջին բաղադրիչներն են) հոլովվում են նույն կերպ, ինչպես՝

Սանախէր (սանահէր)	քավօրմէր	հըրօխպէր (խըրօխպէր)
սանաթօր	քավօրմօր	հըրօխպօր

Քուր բառը բարդությունների մեջ ենթարկվում է ի հոլովման.

խօրքուր-խօրֆուրի, մօրքուր-մօրֆուրի:

Անկանոն հոլովումներ.— Որոշ բառեր շեղվում են հոլովման ընդհանուր կանոններից: Ախշիկ, կընիկ, քունդիւր բառերը ենթարկվում են արտաքին թեքման ա հոլովման: Ախշիկ և կընիկ բառերի բացառականն ու գործիականը կազմվում են տրականից, իսկ քունդիւր բառինը՝ ուղղականից:

Ուղղ.	ախշիկ	կընիկ	թունդիւր(ը)
Սեռ.	ախշրկա	կընգա	թունդրա
Տր.	ախշրկան	կընգան	թունդրան
Հայց.	ախշրկան	կընգան	թունդիւր(ը)
Բաց.	ախշրկանից(ը)	կընգանից(ը) էն	թունդրից(ը) էն
Գործ.	ախշրկանօվ(ը)	կընգանօվ(ը)	թունդըրօվ(ը)
Ներգ.	—	—	թունդըրմ(ը)

Հիշյալ բառերը հոգնակիում ենթարկվում են ի հոլովման՝ ախշինէր, կընգընէր (նաև՝ կընանիք), թունդիրնէր. ախշիճէրի, կընգըճէրի (կընաճիքի), քունդիրճէրի:

կընիկ բառի նման են հոլովվում նաև դրանից բարդված ախպօրկընիկ, աէֆօրկընիկ, հըրօխպօրկընիկ բառերը:

Հետաքրքրություն է ներկայացնում տեղանունների հոլովումը: Այդ րառերը, որ նույնպես ենթարկվում են ա հոլովման, միայն սեռական հոլովում են ստանում հիշյալ հոլովիչը: Մյուս հոլովները կազմվում են ուղղականից և հոլովվում են ի հոլովմամբ: Այսպես՝ Բաշգ'եղա (Ակունք) ջ'ըրէրը, Արա մուսա գ'ազարը, Ջառա հացը, Հաշտարակա գ'ինին, Յելկավանա քամին: Այդ բառերը կարող են ենթարկվել նաև ի հոլովման.

Ուղղ.	Ջառ	Գ'էղառթ
Սեռ.	Ջառա	Գ'էղառթա
Տր.	Ջառին	Գ'էղառթին
Հայց.	Ջառ	Գ'էղառթ
Բաց.	Ջառից(ը) էն	Գ'էղառթից(ը) էն
Գործ.	Ջառօվ(ը)	Գ'էղառթօվ(ը)
Ներգ.	Ջառում	Գ'էղառթում

Հարադիր բարդությունների հոլովումը

Այս հոլովման առանձնահատկությունն այն է, որ հոլովվում է միայն Երկրորդ բաղադրիչը, իսկ առաջինը, բացի հէր, մէր, ախպէր բառերից, մնում է անփոփոխ։ Այդ բառերն ունեն միայն սեռական հոլովաձև, մյուս բոլոր ձևվերը նման են սեռականին։ Հոգնակի հոլովման ժամանակ հիշյալ բառերը մնում են անփոփոխ։ Եզակի հոլովման ժամանակ հարադրության երկրորդ բաղադրիչը կարող է գործածվել և՛ հոգով, և՛ առանց հոգի, իսկ հոգնակիի դեպքում՝ միայն հոգով։ Հոգնակիում բարդության առաջին բաղադրիչը միշտ մնում է եզակի և երբեք հոգ չի ստանում։

Հոլովման պատկերը հետևյալն է.

Եզակի

Ուղղ.	Սար ու ճ'որ(ը) ծոր(ը)	մէր ու ախպէր
Սեռ.	սար ու ճ'որի ծորի	մօր ու ախպօր
Տր.	սար ու ճ'որին ծորին	մօր ու ախպօրը
Հայց.	սար ու ճ'որ(ը) ծորը	մօր ու ախպօրը
Բաց.	սար ու ճ'որից(ը) ծորիցը էն	մօր ու ախպօրից(ը)
Գործ.	սար ու ճ'որով ծորովը	մօր ու ախպօրով(ը)
Ներգ.	սար ու ծորըմ	—

Հոգնակի

Ուղղ.	սար ու ճ'որէրը ծորէրը	մէր ու ախպէրնէրը
Սեռ.	սար ու ճ'որէրի ծորէրի	մէր ու ախպէրնէրի
Տր.	սար ու ճ'որէրին ծորէրին	մէր ու ախպէրնէրին
Հայց.	սար ու ճ'որէրը ծորէրը	մէր ու ախպէրնէրին
Բաց.	սար ու ճ'որէրից(ը) ծորէրիցը	մէր ու ախպէրնէրիցը էն
Գործ.	սար ու ճ'որէրով(ը) ծորէրովը	մէր ու ախպէրնէրով(ը)
Ներգ.	սար ու ծորէրըմ	—

Կարելի է ենթադրել.

1. Արարատյան բարբառի քննարկվող խոսվածքներում, հակառակ շատ բարբառների, սեռական ու տրական հոլովներն ունեն կայուն ձևեր ու որոշակիորեն տարբերվում են միմյանցից։

Հայցականը նույնպես ունի իր կազմության առանձնահատկությունները՝ իրի առումով գործածվելիս նմանվելով ուղղականին, անձի առումով գործածվելիս՝ տրականին։ Հայցականի շատ ձևեր երբեմն օգտագործվում են որպես ուղիղ ձևեր։

Խոսվածքների մի մասն ունի ներգոյական հոլով, իսկ մի մասը այդ հոլովի իմաստը արտահայտում է ներգոյական-հայցականով։

2. Բարբառի խոսվածքների ընդհանրական հոլովումն է ի-ն, որն իրեն է ենթարկել գոյականների գերակշիռ մասը։ Այդ հոլովումն այստեղ ավելի մեծ ընդհանրություն է ներկայացնում, քան շատ բարբառներում ու արդի արեւելա-
լեռքեր 2—3

հայ գրական լեզվում: Այն շարունակ ընդլայնում է իր ոլորտը՝ ներառնելով մյուս հոլովումներին պատկանող նորանոր բառեր:

3. Ինչպես ամբողջ Արարատյան բարբառի, նույնպես և քննարկվող խոսվածքների գոյականների հոլովումը ներկայացնում է մի պարզ ու կուռ համակարգ, որն իր դրսևորումներով նման է արդի գրական լեզվին: Ծղած տարրերությունները հնչյունական են: Այս փաստը նույնպես մի կարևոր ապացույց է այն բանի, թե ինչու է Արարատյան բարբառը դարձել ժամանակակից արևելահայ գրական լեզվի հիմքը:

СКЛОНЕНИЯ И СИСТЕМА СКЛОНЕНИЯ НЕКОТОРЫХ ГОВОРОВ АБОВЯНСКОГО РАЙОНА

РАЗМИК МАРКОСЯН

Резюме

Группы говоров Араратского диалекта, относящихся к ветви -ում (-ум), хотя и сходны по многим признакам, однако в их системе склонения имеются различия.

Предложный падеж имеют только некоторые говоры, часть же говоров пользуется предложно-винительным падежом. В группе говоров Абовянского района, в отличие от других диалектов, формы родительного и дательного падежей устойчивы и определенно отличаются друг от друга. Винительный падеж в этих говорах весьма своеобразен: неодушевленное существительное в винительном падеже имеет форму именительного, а одушевленное—дательного падежа. Наиболее распространенным в данной группе говоров является склонение -ի (-и).